

ափսոս, որ խորանների մի մասը թօշնած է, վատ պահուած լինելու պատճառով: Նորա սիրած գոյների մէջ ամենից աւելի աչքի է ընկնում մոյգ կապոյտը՝ լաճուարդը, որ գործադրում է աւետարանիչների պատկերների համար իբրեւ ֆոն, այլ եւ բուսական զարդարանքների, խորանների շրջանակազարդերի մէջ: Բիւզանդական և մեր կիլիկեան շրջանի համար այնքան սիրուած ոսկի ֆոնը վտարուած է մեր նկարչի գործերի մէջ. ոսկին գործադրւում գծերի համար միւս գոյների հետ, յաճախ կարմրի, որ առանձին ազնւութիւն է տալիս նրանց, և նիւթուսների համար, բայց փոշոսկի և ոչ երբեք թերթոսկի: Կապոյտից յետոյ կանաչն է աւելի շատ գոր-

ծադրութիւն ստացած. ձօնի մանրանկարի ֆօնը մութ կանաչ է, բաւական մեծ չափով գործադրուած է նաեւ խորանազարդերի, սիւնների և բուսական օրնամենտացիայի մէջ: Կարմիրը որ մանրանկարչու թեան ամենից բնորոշ գոյնն է, համեմատաբար քիչ է գործադրուած, մեծ մասով գծերի և եզերազարդերի համար: Գործադրուած են նաեւ սևն ու դեղինը. առաջինը կերպական մեծ մանրանկարների շրջանակազարդերի և դէմքը բնորոշող գծերի համար, իսկ երկրորդը՝ սիւնների, նաեւ նիւթուսների համար, ինչպէս Երուսաղէմ մշտնելու մանրանկարի մէջ, Յիսուսի և Պետրոսի համար: Գրչով կատարուած զարդարանքները սև են, ինչպէս Մատթէոսի շրջանակն է:

Դեկտեմբեր 1933

Էջմիածին

